

Sámi journalistaid searvi

Stivrra 2020-21 doaibmaplánaevttohus:

1 Sámi Mediafestivála

Sámi Mediafestivála livččii dehálaš arena gos sámi mediafágalaš ja mediapolitiikkalaš áššit digaštallojit ja gieđahallojit. Dákkár oktasaš ja viiddis mediaarena váilo Sámis. Dainna lea ulbmil čohkket buot sámi mediaid, mediabargiid, politiikkariid ja eará berošteddjiid áigeguovdilis ságastallamiidda. SMF lea forum gos sáhtta ovdanbuktit mediadutkamiid ja treanddaid ja o.m.d. bargguid mat Sámi allaskuvlla oahpahusa bokte dahkkojuvvojit. SMFa oaidnit maiddá lávdin ovdidan dihte eamiálmot journalistihka. SJS lea čadahan ovdaproševtta ja ulbmil lei ordnet vuostáš Sámi mediafestivála čakčamánu 2020, muhto koronavirus dagahan eahpesihkarvuoda dihte SJS stivra mearridii sirdit mediafestivála giđđii 2021. Festivála ollašuttin lea searvvi deháleamos bargu dán áigodagas masa leat jo ožžon sihkkarastot oasi ruhtadeamis.

2 Sámi mediabargiid beroštupmi searvá ja oktasaš fierpmádahkii

SJS bargá dán áigodagas ollu márkanastinbarggu sámi mediadoaimmahusaide, vai oažžut dieđu searvvi birra miehtá mediaide. Fierpmádat sámi media bargiid gaska oaidnit dálá dilis ain deháleabbon go johtin ii leat vejolaš ja oktavuodát leat ráddjejuvvon. Dákkáraš erenomáš dilis sámis lea dehálaš ahte sorjjasmeahtun searvi dego SJS váldá rolla ja bastá loktet váttis áššiid ovdan ja bealuštit ja doarjut doaimmaheaddjiid barggustis.

3 Sámi journalistaid bargodilli

SJS lea váldán oktavuoda statistihkkajoavkkuin mii bargá Sámi Loguiguin. Mii leat ávžžuhan sin dárkileappot guorahallat sámi journalistaid bargodili ja bargoeavttuid. Jos journalistabargu galggaš šaddat geasuheaddji bargun, de fertešii journalistaide geasuheaddji bargu ja bargobiras. Dása guoskkašii maid guorahallat oahppodási, báلكká, bargonoadi ja giellamáhtu. Sámi analiisajoavku lea dohppen ášši ja bargagoahtán dainna. SJS čuovvula dien barggu.

4 Sámi journalistabáلكkašupmi

Sámi Journalistaid Searvi lea bargamen oažžut fas Sámi journalistabáلكkašumi, man ovdal leat ovtas juohkán sámi mediaásahusaiguin. Daid maŋemus jagiid ledje dušše sámi public service fitnodagat dan duogábealde ja ii leat ovttaoavilvuohta leamaš das gii dat galggašii báلكkašumi hálddašit. Báلكkašupmi ii leat šat geigejuvvon máŋgga jahkái ja SJSa bidjá mihttun ásahtit dien báلكkašumi fas 2021 rájes mediafestivála oktavuodas.

5 Sámi mediafálaldat ruoššabeale Sápmái

SJSa vuorjahuvvá dainna go ruoššabeale Sámis ii leat dássedis sámi mediafálaldat. Guoladaga Sámi radio ii leat doaibman albmáláhkái máŋgga jahkái ja ásašusas ii leat ruhta mainna báلكáhivčče bargiid ráhkadit sisdoallofálaldaga.

SJS háliida

- Guorahallat leago vejolaš gávdnat ruhtadoarjagiid mat dagašedje ahte livččii vejolaš jođihit juogalágan mediafálaldaga ruoššabeale Sápmái.
- Iskat gos livččii vejolaš oážžut ruhtadoarjaga skuvlet veahkkebargiid digitála reaidduid atnigoahtit omd radiobuvttadeamis ja sáddemis.
- Gártet man ollu jietnamateriala gávdnno vurkejuvvon ovddeš rádiodoaimmas Guoladagas ja mo dan livččii vejolaš digitáliseret, vurket ja ávkkástallat ođđa distribušuvdnavuogiin.

6 Searvvi hálddašeapmi ja diehtujuohkin

Stivra lea oaidnán hástalusaid das mo searvvi beavdegirjjit, dokumeanttat j.n.v. dál vurkejuvvojit ja mo dat boadášedje oidnosii diehtun miellahtuide. SJS leage dagahan ja gárven neahttasiidduid dađe várás maiguin joatkka barggu, seammás go plánat Sámi mediafestivála. Facebook maidái geavahuvvo miellahtuide diehtujuohkinkanálan, muhto dán áigodagas sajáiduhttit min ođđa neahttasiiddu www.samijournalista.com Stivra joatká ain buoridit searvvi hálddašeami ja atnigoahtit reaidduid mat buoridit gulahallama miellahtuiguin ja ahte áššebáhpirat leat vuorkkás buohkaid fitnemis geat daid dárbbášit. Rabasvuohta lea searvái hui dehálaš.